

1.А. Жүрек операцияларын жасауға арналған жобаның (аурухана) орны Алматы қаласында А.Сызғанов атындағы хирургиялық кешеннің ішінде, осы Меморандумға қоса тіркелген жалпы жоспарда көрсетілген, Орталықтың өкілдерімен арнайы делегацияның мүшелері барып танысқан, ғимарат салынатын жерде болады.

Ә. Грант қаржысы екі мақсатқа бағышталады: Біріншісі, бастапқы құны, қазақ тарапы дайындаған шығындар көлемі бойынша, үш миллион екі жүз мың АҚШ доллары болатын, жалпы көлемі 4495 шаршы метр бірнеше қабаттан тұратын аурухана салу. Ал, екіншісі, гранттың қалған бөлігіне ауруханаға қажетті медициналық аспаптар мен қондырғылармен қамтамасыз ету.

Б. Қазақ тарапы (А.Сызғанов атындағы хирургиялық орталық) егжей-тегжейлі жобалау, макет, чертеждар жасау үшін грантқа салынатын жобаның қажеттіліктерін, мамандануын, аурухананың жалпы бағдарламасын дайындап, сауд тарапына жолдауы қажет.

2. Жоба бөлінген грант шеңберінде пайдаланушы арнаған жерде жүзеге асады. Сауд Арабиясы Корольдігінің Қаржы және ұлттық экономика министрлігі (бұдан әрі Министрлік деп аталады) келесіні жасайды:

- жобаға қатысты макет, көлемдері, бастапқы және түпкілікті чертеждарды және құжаттарды дайындайды, делегацияның сапары кезінде қазақ тарапы ұсынған техникалық ұсыныстарға сәйкес сауд инженерлік консалтингтік компаниясының көмегімен қазақ тарапының жобаның бастапқы жобасына келісімін негізге ала отырып, жобаны жүзеге асыруға техникалық бақылау жасайды.

- жоба мамандандырылған компаниялардың, оның ішінде қазақ және сауд фирмаларының арасында тендерге ұсынылады. Министрлік тендерге қатысушылардың талапқа сай екендігін салмақтап, жеңімпазды ең үздік ұсыныс негізінде анықтайды.

- Министрлік жобаны қаржыландыруды мердігердің консалтингтік компания мақұлдаған сұрауларына сәйкес жобаның жұмыс барысына қарай жүзеге асырады.

3. Корольдіктің жобаны қажетті деңгейде жүзеге асыру ниетін басшылыққа ала отырып, Қазақстан Үкіметі келесілерді жүзеге асырады деген уағдаластыққа қол жетті:

3.1. Жобаны жүзеге асыруға қажетті жерді ешбір кедергісіз қамтамасыз етеді.

3.2. Жобаны жүзеге асыруға қажет заттарды рұқсат алудан, порт, қойма, импорт алымдарынан және барлық қажетті заттар, қондырғылар мен жабдықтарды, техниктерді және жобаны жүзеге асыруға қажетті заттардың барлығын тікелей және жанама салықтардың барлық түрлерінен босатады, сонымен қатар осылардың кеден арқылы кешігусіз өтуін қамтамасыз етеді. Егер қандай-да бір себептерге байланысты осы шараларды орындау қиыншылыққа ұшыраса Қазақстан Үкіметі келген заттарды кедендік босатудан өткізу үшін қажетті салық, алым және төлемдерді төлеуді өз мойнына алады.

3.3. Жобаны жүзеге асырушы мердігерге барлық жеңілдіктер жасайды. Оған қажетті құрылыс жүргізу лицензиясын және басқа рұқсаттарды беру, грантты пайдаланушы елде оның барлық әрекеттерін, оның қызметкерлері мен жұмысшыларын және жобаны жүзеге асыру бойынша онымен келісімге келетін жеке адамдар мен компанияларды барлық алымдар мен салықтардан босатады.

3.4. Жобаның жүзеге асуына бақылау жасайтын, жобаның эскизін, жұмыс

чертеждарын дайындайтын консалтингтік компанияда істейтіндерге септік және көмек береді. Оның және қызметкерлерінің қызметіне, жобадағы қондырғылар мен көліктерге қажетті рұқсаттар береді, сонымен қатар оларды алым мен салықтың барлық түрлерінен босатуға көмек береді.

3.5. Қазақстан Республикасының Денсаулық сақтау комитеті төрағасына сауд тарапымен байланыс жасауға өкілеттік береді.

3.6. Жоба Сауд Арабиясы Корольдігі бөлген гранттың есебінен салынғандығы туралы араб және қазақ тілдерінде үйлесімді көлемдегі тақтайды көрнекті жерге о р н а т а д ы .

Осы Меморандумға қол қойылған күнінен бастап күшіне енеді.

Меморандумға Эр-Рияд қаласында 2001 жылдың 22 қазанына сәйкес келетін Хиджраның 1422 жылының _____ екі нұсқада араб, қазақ, ағылшын және орыс тілдерінде қол қойылды. Барлық нұсқалардың құқықтық күштері бірдей. Талас туған жағдайда ағылшын тіліндегі мәтін басшылыққа алынады.

Сауд Арабиясы Корольдігі Үкіметі *Қазақстан Республикасы Үкіметі*
үшін үшін

Қаржы және ұлттық экономика *Қазақстан Республикасының*
министрлігінің экономикалық *Сауд Арабиясы Корольдігіндегі*
істер бойынша орынбасары *Төтенше және Өкілетті Елшілігі*